

其內矣禍福相乘罔所止極而昏昏者卒弗知之豈天下竟是一禍福之天下而無大道以正之耶要之正不終正正之復流而為奇善不終善善之復返而為妖人之迷弗悟者只知有福而不知禍已隨之只知有正與善而不知奇與妖已隨之嗚呼其蔽錮為日固已久矣正復之正即上以正治國之正善即祥瑞之祥不作善字解

是以聖人方而不割通圓廉而不剝清靜直而不肆中光而不耀虛又曰凡物方者必割廉者必剝直者必肆光者必耀惟聖人於無極而有有極而無之理識得十分透亮知極者必有返時故方而不至於割廉而不至於剝直而不至於肆光而不

道藏輯要

道德經解

卷之八 心集一

至於耀歸本於無注德於柔守貞抱璞而超出乎禍福奇正妖祥之外省卻多少經營煩惱何等安閒而從容以中道也

守道章第五十九

治人事天存心養性莫若嗇以天理勝人欲夫惟嗇儉從約是謂早服先得此理

早服謂之重積德日所操持重積德則無不尅復禮克己無不尅則莫知

其極無所不用其極莫知其極可以有國靜極見真種有國之母真一來投可以

長久神與道存

妙法元君注曰嗇簡也柔也虛而無也世之治人者必從事於鋪張事天者必致力於昭格往往紛更滋擾而不知治人事天總莫若以嗇處之蓋人之心即我之心以我之心治人

是以心治心也我之心即天之心以我之心事天是以心印心也而運於無形不見作為之迹嗇之至矣下民化之即根於其嗇而來是其輸服固已久矣非早服而何早服上之重積德以致之也德即所謂嗇言重積德則德之所運風流而今行無弗尅而治之尅訓治既無弗洽則莫知其極矣莫知其極則德徧羣黎不事聲教而不動而變無為而成尙不可以有國也耶第有國必得其母有國之母嗇也柔也虛也無也是即不可名之道也以道治天下是以母育天下也而尙不享祚於長久也哉

是謂深根固蒂

深息固精

長生久視之道

虛空消殞道炁常存

道藏輯要

道德經解

圭

心集一
XII文

又曰凡物根不深者則易撥蒂不固者則易敗若本道以治之道之入人深者蓋固結而不可解矣是之謂深根固蒂而不惟治國且能長生壽己以壽人壽人以壽世於以悠久而博厚博厚而高明也倘所謂長生久視之道非耶

居位章第六十

治大國

虛生明空生慧

若烹小鮮

治心亦易

以道莅天下

道不遠在身中

其鬼不神

陰魔俛首

妙法元君注曰此二語於孔子武城之說相反適所以相成割雞焉用牛刀言小邑不必以大道治之此言治大國若烹小鮮言不知烹小鮮之法則不可以治大國也此何以說曰